

Duhlungz Cunh:

Aenmbanj Gungzhoj Diegbya Ndae Baenz Fouq

都隆村：贫困山村的新变迁

□ Cenzciz Dingdingz

Daj gizgyae yawj aenmbanj gyaunde dangqmaz.



▲ Yiengh mbanj moq caen gyaunde.



▲ Ndaw mbanj lij miz gij fungsug roq "aennyenz cibngeih duzseiz" gvaq ciet hung.



Byasang hophumx, diuzrij hot-heux, baenz aen baenz aen ranzlaeuz moq guh miz yiemhranz vax faex caeuq gwnz ciengz veh miz gij doz "aennyenz cibngeih duzseiz", guenghcueng deugaek vwnzva goep-gej doengh gij miz daegsaek minzcuz Cuengh、Yauz、Myauz haenx ing bya hwnjguh, dep raemx baijle; diuzroen ndaw mbanj ngutngeuj bingzbwd, saekseiz raen miz geij bang roeg mbin gvaq gwnz mbanj, nanz mbouj nanz caemh raen miz heiqcihuq gvaq riengz gvaq menh-men h hai dwk haeujok gyang mbanj. Byaij haeuj Duhlungz Cunh Luzbaiz Cin Denhngoz Yen, couh ndaej yawjraen aen mbanj yiengh moq miz gij yiengh gingi gyaunde doenghnaz caeuq heiqhom ciuhneix haenx.

Duhlungz Cunh dieg youq baihbaek Denhngoz Yen, liz yienhsingz 20 goengleix gya, sam mbieng byasang hophumx, swnghdai co'nduj, swyenz vanzging henlouz ndaej ndei. Daengx cunh 260 ranz 1019 vunz, moix vunz cij miz reihnaz 1.4 moux, gaxgonq ndaw mbanj cungi dwg roennamhnaez、ranzciengz namh, nyapnyaj luenh bok nyabnyad, vunzmbanj mbouj miz maz souhaeuj saedcej gungzhoj, haujlai bouxcoz okrog dajgoeng, ndaw mbanj menh-

menh couh baenz le mbanjhoengq, dwg Denhngoz Yen 26 aen mbanj gungzhoj ndawde aen ndeu. Bi 2011 Duhlungz Cunh ndaej lied guh Guengjsae buek daih'it hwnj-guh lajmbanj mizmingz daegsaek swnghdai nungzyez, youq swcigih cugendingh haenqrengz bangcoengh lajde, vunzmbanj bae diegwng cawx miuzfaen makbakhom dauqma ndaemganq, geij bi gvaqbae, daengx mbanj ndaemganq makbakhom dabdaengz 860 lai moux, baenz le hangh hongsaeh ceiq hung vunz-mbanj demsou baenz fouq ndeu. Daj guh hangh hozdung "seuqcingh lajmbanj" gvaqdaeuj, aen cunh neix comz rengz bae guh yiengh mbanj gajicoih caeuq mbanj okmingz daegsaek swnghdai nungzyez, haenq-rengz guh ndei vanzging ndaw mbanj, gyarengz guh sezsih goekdaeij caeuq fuzbinz gunggeng, ciuq ndaw mbanj saedcaeq bae hwnghat hongsaeh daegsaek, aeundaej cingzyauq ndei. Aenmbanj ginggvaq gajicoih le, ranzlaeuz yiengh moq ndei yawj, roenmbanj bingzbwd doengrat, mieng baizraemx vangraeh lienzdoeng, raemxuq nyapnyaj cawqleix、daeng-roen ndatndit daengj sezsih boiq ndaej caezcienz, makbakhom、iengangq、conhsinhlengz、biucinjvaq

ciengx mou、ndaw ndoengfaex ciengx gaeq daengj hongsaeh guh ndaej hoenghhwd, vanzging dieg vunzyouq caeuq heiqndei vwnzmingz ndaej gajindei haujlai, yinx le Gunghswh Mizhanh Souginh Sizbinj Guengjsae daengj geij aen giyez daengz ndaw mbanj roengngaenz hwnghat. Youq gij hongsaeh neix daiqdoengh lajde, daengx mbanj miz 370 lai vunz ndaej youq bakdouranz guhhong lingxngaenz, ndawde miz 100 lai vunz dwg bae baihrog dajgoeng dauqma. Bi 2013, daengx mbanj moix vunz bingzyaenz cinghsouhaeuj 6280 maenz, beij bi 2011 nienzdae lai le 2400 lai maenz.

Duhlungz Cunh doenggvaq hwnjguh aenmbanj daegsaek swnghdai nungzyez, gaenxmaenx ungganq caeuq guhhoengh gij hong-saeh daegsaek swnghdai nungzyez, hengzguh yiengh mbanj gajicoih, guh caezcienz ndaw mbanj vanzvei、diuzroen、gvangjangz daengj boiq-dauq sezsih, hwnghat fungsug vwnzva lajmbanj, coicaenh hwnjguh cing-saenz vwnzmingz, aen mbanj miz daegsaek minzcuz caeuq swnghdai nungzyez gizdieg gyaunde、vunz-mbanj doxhuz fouqmiz ndeu couh baenzneix okyienh youq dangqnaj vunzlai.

▲ Gyoengq mehmbwk mbaetsou makbakhom.



▲ Gyoengq lwgnyez angq-yangz lai.



▲ Daengx mbanj ranzranz an miz aenndatraemx ndatndit.



▲ Vunzmbanj gvaq ciet-caemzgej mbaenj fungsou.

► Mehmbwk doxcomz suek faengx guh ceiz.



▲ Bouxcoz doxdax dwk-lanzgiuz.